

治口舌唇疼有瘡。頤頰腫痛。以玄參升麻湯主之。

方玄參升麻湯

玄參

赤芍藥

黃芩

各七分

升麻

貫仲

各一錢

犀角

桔梗

甘草

各五分

生薑

三片

右咬咀水煎八分。食後溫服。

治口舌唇疼有瘡。皆心火炎盛。以涼膈散主之。

方見五卷內

治口瘡連年不愈。以玄參丸主之。

方玄參丸

天門冬

麥門冬

玄參

各等分

右件依法製度爲末。煉蜜爲丸。如彈子大。每服一丸。嚙化。

治心脾壅熱。水舌腫脹。以玄參散降火之劑治之。

方玄參散

玄參

犀角

各一錢

升麻

一錢五分

大黃

量人虛實多少

甘草

生五分

右咬咀水二鍾煎一鍾食遠熱服

治因膏粱過用勞心尤甚氣出腥臭吐涕稠粘口乾舌燥以加減瀉白散主之

方加減瀉白散

桑皮

桔梗

各一錢二分

地骨皮

甘草

各八分

黃芩

麥門冬

五味子

各五分

知母

八分

右咬咀水一鍾煎八分食後熱服

治口瘡不已以赴筵散主之

方赴筵散

蜜陀僧

黃礬

青黛

右件各等分。爲細末。乾摻瘡上。

治口瘡年久不愈。已服涼藥過多反甚者。以理中湯主之。或用

乾薑甘草和勻。常常細嚼。方見三卷內

治口糜生瘡損爛。飲食難下。是心胃壅熱。水穀不化。轉下小腸。也是以用柴皮湯治之。

方柴皮湯

柴胡

地骨皮 各三錢

右咬咀。用水一鍾。煎八分。熱服。

治口瘡口破疼痛。以芭荳半枚。生研和米飯一荳大杵和貼印。堂對眉間約半刻許。覺紅就去。不可泡起。小兒減半。隨卽痊愈。

○牙齒

牙齒乃腎氣之標。是手足陽明之所過。上齦隸於坤土。乃足陽明胃之脉。貫絡也。止而不動。下齦嚙物動而不休。手陽明大腸之脉所貫絡也。手陽明惡寒飲而喜熱。足陽明喜寒飲而惡熱。牙亦喜寒。寒者堅牢。爲病不同。熱甚則齒動齦斷。袒脫作痛。其爲証有數種。有風熱有腎虛有齒齦宣露有惡熱有惡寒有動搖有齒齦腫起。脾胃中有風邪。但覺風而作痛。牙上蟲蝕。其齒缺少而色變。胃中氣少。不能於寒。但露齒而作痛。有疼而臭穢不可近者。痛既不一。法當隨証施治。所忌者。日月蝕。未平時勿進飲食。不然多患齒病也。

○脉症捷言

脉經曰。右寸關脉洪數或弦而洪數。乃腸胃中風熱。齒痛尺脉洪太虛者。不腎虛相火上炎。

○治齒法則

夫齒爲關門乃腎之標骨之餘是以腎衰則齒豁精固則齒密其牙齦又屬腸胃所主苟腸胃濕熱壅盛則齒齦腫痛如被風口頭面俱痛如虫濁者由熱甚生風風甚生虫治宜分因治之不可按圖索驥

如因腎虧者滋胃丸滋陰大補丸之類

如腸胃濕熱壅盛如承氣湯之類如因風熱者宜防風通聖之類大法不越乎此三方加減

凡牙痛之症多屬濕熱宜以苦寒之劑爲君辛涼之劑爲臣梧洞淚佐以麝香研末搽之立効如痛再加車撥胡椒之辛以散鬱清熱佐以升麻寒水石之苦寒川芎細辛荆芥薄荷諸辛涼煎湯飲漱無有不効

治風毒攻症牙根腫痛以獨活散主之

方獨活散

川芎

生地黃

獨活

羌活

防風各一錢

細辛

荊芥

薄荷

各六分

右咬咀水一鍾煎八分食遠熱服

治牙出膿血變骨蝕風及骨已出者以玉池散主之

方玉池散

藁本

防風

各八分

升麻

一錢

細辛

白芷

當歸

甘草節

槐花

川芎

各五

獨活

七分

右咬咀生薑三片水一鍾煎八分溫漱燕之亦可

治腎乏骨痠齒痛者以六味地黃丸或虎潛丸主之

二方俱見五卷內

治牢牙去風冷以香鹽散主之或甘松去鬚畧焙為末乾揩患

處亦妙。

治苦於牙疼欲落不犯手以代刀散去之

方代刀散

草烏頭

草撥

各一錢五分

川椒

細辛

各二錢

右件生為末少許搗患處內外其牙自落

治齒疼腮腫寒熱骨疼頭痛以荆防敗毒散加石膏升麻主之

方荆防敗毒散

柴胡

一錢五分

前胡

羌活

獨活

桔梗

枳殼

人參

茯苓

川芎

各一錢

甘草

五分

防風

荆芥

各六分

生薑

三片

右咬咀用水一鍾半煎七分食遠服

治牙疼有風毒以白芷荆芥蜂房防風等分煎湯頻漱仍服消

風散方見三卷內

治牙疳虫出孔中。用乳香少許，火炙令軟，以實之。

治牙齦疼痛，不可忍者。以蜂房湯泡漱立止。

方蜂房湯

露蜂房一錢

川烏

白芷各六分

細辛四分

川椒五分

明礬少許

右用沸湯半鍾泡去渣，無風處濕漱。渣再泡漱。

治齒齦宣露，牙縫血出。多是疔腫，用生竹茹二兩，醋煮含之。又

用細辛二甘草一，醋煎減半，日夜含之。又用苦竹葉濃煎

和鹽少許，通溫含冷則吐之。

治牙宣，乃齒縫血流也。其因有二：若風壅者，以消風散擦之。仍

眼數貼。若腎虛乃虛火故也。以四物湯加升麻。方見三卷內

鹽湯下安腎丸用香附子同薑鹽炒黑為末搭牙尤妙

〔方〕安腎丸

青鹽

一兩另研

鹿茸

栢子仁

石斛

川烏

黑附子

炮

巴戟

肉桂

兔絲子

菴子

肉蓯蓉

胡蘆芭

杜仲

薑汁拌炒

遠志

石棗

酒蒸去核

破故紙

赤石脂

煨

茯苓

茯神

川練子肉

酒蒸

蒼朮

川椒

茴香

酒炒各五錢

右件依法脩製為末用山藥末打糊為丸如梧桐子大每服

八十一丸空心鹽湯送下

〔治〕

陽明濕熱壅盛牙疼法當踈濕清熱為主經云風能勝濕寒

可勝熱故用細辛防風以勝濕胆草升麻以解熱佐甘草

和藥瀉火

方立効散

細辛

防風

龍胆草 升麻

甘草

右咬咀用水煎。噙於口內。貼浸患處。少時嚥下。

治牙齦腫露出血。齒動欲落。疼痛妨食。大惡熱。少惡寒。此乃血氣虧敗。腸胃濕熱。內壅所致。法當調補氣血。為清。清利濕熱。為標。用人參益氣。當歸地黃養血。經云。苦可以燥濕。以可以勝熱。故用益智。草薢。麻黃。諸辛。助防己。升麻。黃連。皆苦寒。以清腸胃中濕熱。齒乃骨之餘。故加羊脛骨以補骨。佐麝香。疎利關竅。以導諸藥性至患所。

方麝香散

人參

川歸

生地

熟地

麻黃

防己

益智仁

草薢

升麻

羊脛骨

黃連

麝香

右件依法修製為細末搽患處。

〔治〕胃中濕熱牙疼法當清理濕熱經云苦可勝濕寒可勝熱故用升麻黃連牡丹皮諸苦寒以清濕熱當歸生地黃涼血補血。

〔方〕清胃散

升麻 一錢五分

黃連 二錢

牡丹皮 三錢

生地黃 一錢

川歸 二錢

右咬咀水煎八分涼服或為末擦牙亦妙。

〔治〕一切牙痛用白芷以疎陽明經風升麻石膏以清陽明經熱用羊脰骨補齒虛麝香辛葷引諸藥以通行關竅。

〔方〕白牙散

白芷 辛溫五錢

升麻 苦寒一兩

石膏 辛寒五錢

麝香

辛溫一錢

羊脛骨

甘酸平五錢

共爲末。察患處

○咽喉

咽喉之疼痛。或因煩勞火盛。或過食炙煇辛辣酒等。蘊積熱毒。致生風痰。胸膈之間壅滯不散。以成此証。喉內生瘡。狀如肉腐。爲腫爲痛。窒塞不通。吐嚥不下。甚則生出重舌。治宜先去風痰。以通咽膈。然後解其熱毒。遲則不救。又有熱衝上腭。生瘡。謂之喉癰。及腑寒亦令人喉閉。吞吐不利。有纏喉風。此症先兩日胸膈氣緊。及氣短促。驀然咽喉腫痛。手足厥冷。氣閉不通。痰毒纏蔓。雖分急慢慢。則稍緩。急者時刻失救。便爲死証。最忌爪甲青紫。又有虛火升上。咽吐覺痛。理宜以陰降火。凡咽喉之病。其道窄狹。尚有遲悞。便被痰壅。呼吸之間。生歟。係焉。惟有如聖散主銀匙宣雪最妙。若旅途中倉卒。不以山豆根。番木鱉子磨水。

灌下尤好緩者。礪砂胆礬研細吹入患處。倘行遠宜備。非惟自己愈疾。抑且可救他人。此亦仁者之心也。又有喉疼。忽愈。毒攻胸脇痛。不可忍。氣促身熱。不能眠臥者。以牛蒡子湯加貝母解之。有痰加瓜蒌仁。七日以後毒深喘甚。手足指甲紫者難治。

○脉症要刪

兩手脉浮洪而溢者。喉痺也。脉微而伏者。死。

大凡喉疼之症。皆屬火熱。雖有數種之名。輕重之異。乃火之微甚故也。其微而輕者。可以藥餌緩治。甚而急者。則藥難以成功。必須針砭去血。乃爲上策。其次吐法。亦可用。蓋山茺根大能治喉痺。要藥也。或以遠志去心爲末。水調敷項上。周圍亦効。

大都此症。針砭爲上。經云。砭石可去壅。是也。學者當慎思之。

如咽喉乾燥痛者。乃陰血虧敗。津液枯涸。宜以四物湯加桔梗。荊芥。黃栢。知母。立止。

喉痺之症。俱屬火熱。但相火爲害。不可治以苦寒。當用辛溫。從治之法。鍼砭尤易成功。

咽喉生瘡。多屬血虛。虛熱。虛火遊行。無制客於咽喉。所致。經云。虛火可補。是也。當用人參。荊芥。蜜炙黃栢。竹瀝等。加入四物湯內。

如實熱。宜黃連。荊芥。薄荷。芒硝。薑汁和蜜。丸嚙化。如痰火吐法。亦可用。

凡喉痺。必用荊芥。防風。凡陰火炎。必用玄參。

山荳根。治喉痺之聖藥。

治風痰上疼。咽喉腫痛。吞吐如碍。以甘桔湯主之。
方見三卷內

治上中二焦

熱喉疼以涼膈甘桔湯加貝母主之。方見內。

病風痰壅盛咽喉腫痛水穀不下牙關緊閉以如聖散。

方如聖散

雄黃 二錢五分

枯白礬 二錢

猪牙皂角 去皮炙黃七枚

藜蘆 去皮心生用二錢

右件研細和勻用一字噉鼻內吐痰爲愈。

治風痰喉痺及纏喉風以玉鑰匙主之

方玉鑰匙

焰硝 三錢

鵬砂 一錢

龍腦 半分

白殭蚕 五分

右件研勻爲細末每次半錢吹入喉中立愈。

病纏喉風上膈壅熱痰涎不利咽喉腫痛以雄黃解毒丸

雄黃解毒丸

雄黃

鬱金

各二錢五分

巴豆

十四枚去油

右件各另研極細醋煮麩糊爲丸如茱萸大每服七丸弱者以意減之清茶送下吐出頑涎則愈

治喉閉氣寒不通飲食不下者以一字散

方一字散

雄黃二錢五分

白礬

生二錢

藜蘆

去皮生用二錢

蜎梢

七枚

猪牙皂角

炙黃七枚

右爲細末研勻以一字啗鼻內吐痰爲愈

治脾肺有熱虛煩上壅咽喉生瘡以利膈散

方利膈湯

薄荷

荊芥

人參

各一錢

防風

七分

鼠黏子

甘草

各五分

桔梗

八分

僵蚕

五分

右吹咀水二鍾煎七分食後熱服。

治纏喉風急喉痺以二聖散方見五卷內及白礬散主之。

方白礬散

白礬

二錢器內慢火熬化為水用巴豆三枚分作六瓣置在內候乾去巴豆取礬置一末吹入鼻中。

又方不用巴豆以鷄子清調灌喉中。

治咽喉腫痛嚥物妨碍及口舌生瘡以絳雪主之。

方絳雪

龍腦

半分

鵬砂

一錢

辰砂

三錢

馬牙硝

寒水石

各一各

右除龍腦臨用漸加其餘同研極細每用一二字摻於舌上。

津出燕下。

治風熱上壅咽喉腫痛或生癰瘡有如肉齒以牛蒡子湯主之。